

Morning Dogri (NSD) National News Bulletin 28-11-2024

आकाशवाणी

- केन्द्रीय मंत्री अश्विनी वैष्णव होरें सोशल मीडिया ते ओटीटी मंचें पर अश्लील सामग्री पर रोक लाने लेई मजूदा कनूनें गी होर मता सख्त बनाने दी जरूरते पर लोह पाई ऐ।
- झारखंड च झारखंड मुक्ति मोर्चा दे नेता हेमंत सोरेन होर झारखंड दे मुख्यमंत्री दे तौर पर शपथ लैंगन।
- मौसम विभाग नै आखेआ ऐ जे बंगाल दी दक्खन पच्छिम खाड़ी पर बने दा गैहरा दवाब अगले 12 घैंटे दरान चक्रवाती तूफान फैंगल च तब्दील होई जाग।
- 55मां भारतीय अंतर्राष्ट्रीय फिल्म महोत्सव अज्ज संजा गोवा च समाप्त होई जाग।
- टमरीका दे नमें चुने गेदे राष्ट्रपति डोनाल्ड ट्रंप होरें कीथ केलांग होरें गी रूस ते यूक्रेन लेई विशेष दूत दे तौर पर नामांकित करने दी घोषणा कीती ऐ।
- भारतीय जूनियर पुरुष हॉकी टी नै पुरुष जूनियर एशिया कप च थाईलैंड गी 11-0 कन्नै हराई दित्ता।

<><><><><><>

OTT

सूचना ते प्रसारण मंत्री अश्विनी वैष्णव होरें आखेआ ऐ जे सोशल मीडिया ते आटीटी प्लेटफार्म उप्पर अश्लील सामग्री पर रोक लाने लेई मजूदा कनूनें गी होर मते सख्त बनाने दी जरूरत ऐ। लोकसभा च इक पूरक सुआले दा परता दिंदे होई वैष्णव होरें आखेआ जे सोशल मीडिया प्रेस दी स्वतंत्रता दा इक बड्डा माध्यम ऐ। मगरा सोशल मीडिया च संपादकीय जांच पड़ताल दी कमी करी अश्लील सामग्री दा प्रसारण बी होंदा ऐ। ओटीटी मंचें दी सामग्री दे बारे च वैष्णव होरें आखेआ ते साढ़े देश दी संस्कृति ते नेह सोशल मीडियाउ जित्थुआं आया ऐ, उनें देशें दी संस्कृति च मता फर्क ऐ।

उनें आखेआ जे संसद दी सरबन्धी स्थायी समिति गी इस मुद्दे पर बचार करना लोड़चदा उे ते सख्त कनून बनाने लोड़चदे। आचार संहिता तैहत प्रशासके गी नेह कोई सामग्री दे प्रसारण दी इजाजत नेई ऐ।

<><><><><><>

Jharkand

झारखंड मुक्ति मोर्चा दे नेता हेमंत सोरेन होर अज्ज झारखंड दे मुख्यमंत्री दे तौर पर शपथ लेंगन। झारखंड दे राज्यपाल संतोष कुमार गंगवार होर रांची दे मोराबादी मैदान च आयोजित इक समारोह च सोरेन होरे गी मुख्यमंत्री होरे गी पद ते गोपनियता दी सगंध चुक्कांगन। रांची च पत्रकारे कनै गल्लबात करदे होई सोरेन होरे आखेआ जे उनें इस समारोह लेई इंडी ब्लाक दे नेताएं दे कन्नोकन्नी प्रधानमंत्री नरेन्द्र मोदी ते गृहमंत्री अमित शाह होरे गी बी साददा दित्ता ऐ। जियां जे पैहले बी दस्सेआ जाई चुके दा ऐ जे कांसी संसदीय आली इस विधानसभा च इंडी ब्लाक नै 56 सीटां हासल कीतियां। बीजेपी दी अगुवाई आली एनडीए नै 24 सीटे पर जित्त हासल कीती ते 1 सीट झारखंड लोकतां त्रिक क्रांतिकारी मोर्चा गी होसल होई।

<><><><><><>

Piyush Goyal

केन्द्रीय बज्ज ते बपार मंत्री पीयूष गोयल होरे फ्रांस ते एशिया प्रभात दे सांझेदारें गी आखेआ ऐ जे ओह खास तौर पर त्रकं क्षेत्रे च सैहयोग गी होर बधान। एहदे नै दपक्खिया समझौते ते बहुपक्खिय मंच राएं बपारिक रिश्ते गी होर बधाना ऐ। जलवायु परिवर्तन जनेही वैश्विक चुनौतिएं कन्ने निबड़ने लेई तकनीकी सैहयोग गी मजबूत करना ते शैक्षिक ते सांस्कृतिक आदान प्रदान गी बढ़ावा देना। नमीं दिल्ली च एशिया प्रभात क्षेत्र लेई फ्रांसीसी विदेश बपार आयुक्त दे सलाना सम्मेलन च बोलदे होई श्री गोयल होरे इस गल्लै पर लोह पाई जे भारत ते फ्रांस बश्कार दपक्खिया बपार माली बरे 2024 च 15 अरब डॉलर तगर पुज्जी गेआ ऐ। मंत्री होरे आखेआ जे दौनें मुखे बक्ख-बक्ख क्षेत्रे च पूरे पराते सैहयोग लेई जतन करा'रदे न जिंदे च राई-बाई ते खाद्य प्रसंस्करण अक्षय ऊर्जा, एयर स्पेस ते रक्षा ऑटो मोबाइल ते इलैक्ट्रिक गडिडयां ते डिजीटल तकनीक शामिल न।

<><><><><><>

Defence Delhi

सशस्त्र बलें ते उद्योग मझाटै सैहयोग गी मजबूत करने लेई अज्जै थमां नमीं दिल्ली च दऊं दिनें दे रक्षा सांझेदारी दिवस दा आयोजन कीता जा'रदा ऐ। एहदा उद्देश्य सरकार ते बपारिएं बश्कार ते बपारिक समुदाय दे सरबंघें गी होर निगगर करना ऐ। कार्यक्रम च प्रौद्योगिकी ते खरीद कन्नै जुड़ी दियां 200 शा बद्ध कंपनियां ते 100 शा बद्ध अधिकारी हिस्सा लैंगन।

<><><><><><>

Cyclone

मौसम विभाग नै बंगाल दी खाड़ी च बड़े मते दवाब करी बने दे चक्रवाती तूफान करी तमिलनाडू, आंध्रप्रदेश ते पुदुचेरी दे तटीय क्षेत्रें च तेज बरखा दी संभावना जाहर कीती ऐ। एह दवाब क्षेत्र उत्तर पच्छिम आली भेठा बघा'रदा ऐ ते अज्ज रातीं तगर एहदे चक्रवाती तूफान च तब्दील होने दी मेद ऐ। चक्रवाती तूफान दे शनिवार बडलै उत्तरी तमिलनाडू तट कश पुज्जने दा अनुमान ऐ। विभाग दा गलाना ऐ जे तट कन्नै टकराने मगरा तूफान दे कमजोर होने दी मेद ऐ। उत्तरी जिले लेई अगले किश दिनें आस्तै ओरेंज अलर्ट जारी कीता गेआ ऐ। प्रभावत होई सकने आले इलाकें च ऐहतिहातन शिक्षा इदारें गी बंद करने लेई गलाया गेआ ऐ।

<><><><><><>

IFFI

55मां भारतीय अंतर्राष्ट्रीय फिल्म समारोह अज्ज समाप्त होआ'रदा ऐ। इस समारोह दे खीरले दिन फिल्म निर्माता रमेश सिप्पी इक सत्र गी संबोधत करगंन। सत्र दा विशे ऐ—सिनेमा च रचनात्मक भविष्य आस्तै युवाएं दा सशक्तिकरण। मगरा सिप्पी मोहित सोनी हुंदे कन्नै उम्कृष्टा आस्तै जुनून विषय पर रमेश सिप्पी हुंदे कन्नै गल्ल करगंन। समारोह च अज्ज पैहली बारी निर्देशन करने आले भारतीय निर्देशकें च इक मनोहर के. हुंदी फिल्म भिक्का बन्नाडा हक्की दस्सी जाग। समापन फिल्म ड्राई सीजन2 सिनेमा घरें च प्रदर्शित कीती जाग।

<><><><><><>

Trump

अमरीका दे निर्वाचित राष्ट्रपति डोनाल्ड ट्रंप नै जनरल कीथ केलोंग गी रूस ते यूक्रेन दा विश्सेष दूत नामित कीता ऐ। ट्रंप होरें इक ब्यानै च आखेआ जे जनरल कीथ यूक्रेन ते रूस आस्तै राष्ट्रपति दे विशेष दूत होंगन। जनरल कीथ ट्रंप दे पैहले कार्यकाल च राष्ट्रीय सुरक्षा कन्नै जुड़े दे हे। इक होर फैसले च श्री ट्रंप होरें भारतीय मूल दे डॉ. जय भट्टाचार्य होरें गी राष्ट्रीय सेहत संस्थान यानि नेशनल इंस्टीच्यूट ऑफ हैल्थ दा प्रमुख नियुक्त कीता ऐ। डॉ. भट्टाचार्य हुंदा जन्म कोलकाता च होआ हा। ओह भौतिक विज्ञानी ते अर्थशास्त्री दे विरोधी रेह न।

<><><><><><>

Retail Price

सरकार नै दस्सेआ ऐ जे पिछले त्रऊं म्हीने थमां तूर ते उरद दालें दी खुदरा कीमतें च जां ते गिरावट आई ऐ जां फही स्थिर रेइयां न। केन्द्रीय उपभोक्ता मामले, खाद्य ते लोक वितरण राज्य मंत्री बी.एल.पर्मा होरें लोकसभा च इक सुआल दा लिखित परते च एह ब्यान दित्ता। उनें दस्सेआ जे सोनी फसलें दी हालत अनुकूल ऐ जित्थें मुंग ते उरद फसलें लेई कटाई पूरी होई गई ऐ ते तूर दी फसलें दी कआई हुन गै शुरू होई ऐ। वर्मा होरें दस्सेआ जे सरकार नै पीएम आगा स्कीम तैहत्त करसानें गी मूर ते उरद दालें दी खुश खरीद लेई पैहले थमां पंजीकरण दी सुविधा उपलब्ध करी दित्ती ऐ।

<><><><><><>

Hockey

ओमान दी राजधानी मस्कट च मर्दे दी जूरियर एशिया कप हॉकी दे पैहले मैच च कल भारत नै थाईलैंड गी 11-0 कन्नै हराई दित्ता। भारत दी तरफा अरजीत सिंह हुंदल, सौरभ आनंद कुशवाध ते गुरजोत सिंह होरें 2-2 गोल कीते। अर्शदीप सिंह, शारदा नंद तिवारी ते मुकेश टोप्पो नै 1-1 गोल कीता। प्रतियोगिता च अज्ज भारत दा मकाबला जापान कन्नै होग।

<><><><><><>